



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **De Virtvtvm Adeptione, Siue De Instrvmentis Assequendæ Virtvtis libellus R. P. Iacobi Alvarez De Paz Toletani è Societate Iesv**

**Álvarez de Paz, Jacobo**

**Coloniae Agrippinae, 1615**

Cap. XII. De Tertio instrumento, nempè de Postulatione Virtutis.

[urn:nbn:de:hbz:466:1-46634](https://nbn-resolving.org/urn:nbn:de:hbz:466:1-46634)

Et sicut aliqui sæculares homines in tantū honorem suū æstimant, & sunt boni nominis cupidi, vt propter illud opes profundere, & vitam ipsam dilapidare non timeant: Ita debes virtutem appetiari & diligere, vt propter eam omnia visibilia posthabeas, & in omnibus, quæ aggressus fueris, nihil aliud nisi virtutē, & mētis puritatem, & quod in idem recidit, Dei beneplacitū, & gratissimam voluntatem exquiras. Hæc semel de virtute concepta æstimatio faciet, vt diligenter alijs instrumentis ad eam assequendā vtaris, & omnia, quæ ad illam comparandam fuerint necessaria, non nisi facilia, & leuia existimes.

*De tertio Instrumento, nempe de  
postulatione Vir-  
tutis.*

## CAPVT XII.

**V**NVM ex præcipuis medijs, siue instrumentis acquirendorū doctorum,

P. 5 norum,

norum, est postulatio, siue petitio,  
 qua ab auctore donorum ea suppliciter  
 postulamus. Quod enim nec  
 debitum nobis est, neque in sola no-  
 stra potestate positum, non ex iusti-  
 tia, sed ex gratia; non ex propria tan-  
 tum industria, sed ex aliorum auxi-  
 lio conquirimus. Virtus autem do-  
 num Dei est, tum acquisita, tum infu-  
 sa, quoniam illa Deo inspirante, &  
 desiderium ingerente, & ad opus iu-  
 uante, acquiritur: & hæc eo liberali-  
 ter donante & infundente posside-  
 tur. Sequitur ergò, vt ad virtutem ob-  
 tinendam humilis postulatio & in-  
 tēta oratio sit necessaria, qua ad Do-  
 minum virtutum clamemus, & ei nō  
 armis, sed desiderijs, sed gemitibus,  
 sed precibus importunis vtilem no-  
 bis vim inferamus. Ipse non semel in  
 Scripturis sanctis vocatur virtus no-

*Pf. 70. 5. Vt: Quoniam tu es patientia mea*

*Pf. 117. 14. Domine: Domine spes mea à iuuentute*  
*mea. Et: Fortitudo mea, & laus mea,*

*Dominus, & factus est mihi in salutē.*

*Pf. 139. 8. Et: Intende in adiutorium meū, Domi-*  
*ne, virtus salutis mee, obumbrasti super*

*capit.*

caput meum in die belli. Et multa alia  
 similia. Id, vt intelligamus ab eo, vt  
 ab auctore, omnem esse virtutem, eo  
 datore à nobis possideri, & eo adiu-  
 tore feruari. Hanc veritatem intuens  
 Richardus de Sancto Victore, positus  
 omnibus necessarijs ad virtutem ac-  
 quirendam, illis tãquam rem, ex qua  
 omnium aliorum efficacia dimanat,  
 postulationẽ adijcit. *Septem, inquit; Rich. li. 7.  
 in cuiuscunq; virtutis executione ob- de erud.  
 seruare debemus. Primũ illud, quod ad inter ho-  
 os pertinet, ante acta mala damnare, & mi. c. 39.  
 accusare. Secundũ, quod ad oculos per-  
 tinet, quid agendũ sit, diligenter inue-  
 stigare, & per inuestigationem cogno-  
 scere. Tertiũ, quod ad obauditionẽ per-  
 tinet, inuento consilio, consentiendo ac-  
 quiescere, & obtemperare velle. Quar-  
 tũ, quod quasi variũ sit, agẽdo bono in-  
 sidiantia mala cautẽ deprehendere, &  
 prudenter discernere. Quintũ, quod et-  
 iam quasi ad manus spectat, deliberatũ  
 bonũ opere explere. Sextũ, quasi qua-  
 dã promotione pedũ, ex bono incepto  
 semper ad meliora tẽdere. Sed quia ad  
 nullũ horum per nosmetipsos sufficiẽtes  
 sumus.*

sumus ad omnia hæc diuinum auxiliū  
 implorare debemus. Ecce omnia ex o-  
 ratione siue postulatione dependēt:  
 quia omnis noster conatus ad virtu-  
 tes capeffendas irritus est & inanis,  
 nisi Domini auxilio roboretur, &  
 humana imbecillitas ope cęlesti ful-  
 ciatur. Dominus est, qui occasiones  
 peccādi submouet, in quibus positi,  
 non ad virtutes quærendas, sed ad vi-  
 tia curreremus. Quod cognoscēs Da-  
 uid, ait: *Nisi quia Dominus adiuuit*  
*me, paulò minus habitasset in inferno*  
*anima mea. Si dicebam: Motus es pes*  
*meus: & iā tentationi succumbere, &*  
*funē peccati illaqueari incipiebam,*  
*miseriordia tua, Domine, adiuuabat*  
*me. Dominus est, qui bonam volūta-*  
*tem studiosè operandi, & virtutes ac-*  
*quirendi, aut ad eas nos disponen-*  
*di tribuit: & considerata ab ipso du-*  
*ritie nostra congrua vocatione cor*  
*pulsat, cui cū magna efficacitate, &*  
*non sine magna libertate respon-*  
*deat: Factus enim est Dominus refugium*  
*pauperi, adiutor in opportunitatibus, in*

Psf. 93. 17.

Ps.

Psf. 9. 10.

tri-

tribulatione. Adiutor quidem in tri-  
 bulatione, quia à tentatione & cadē-  
 di occasione nos liberat: & in oppor-  
 tunitatibus, quia mentem ad praua  
 currentem retrahit, & immiffa bona  
 voluntate fanat. *Nostrum est velle, in-*  
*quit egregiè Augustinus: id est, nos vo-*  
*lumus, & liberè in bonum consentimus,* *Aug lib.*  
*sed voluntas ipsa & admonetur, vt sur-* *de bono*  
*gat: & sanatur, vt valeat: & dilatatur,* *viduit.*  
*c. 17.*  
*vt capiat: & impletur, vt habeat: Do-*  
 minus est, qui occasiones administrat  
 studiosè agendi & virtutes compa-  
 randi, sine quibus, etiamsi adsit bona  
 voluntas, haudquaquam virtutibus  
 studemus. Doctos inter ignaros con-  
 stituit, vt eos doceant: diuites cum  
 pauperibus collocat, vt illis subue-  
 niant: innocentes inter malos ponit,  
 vt patientiam exercent. Sæpeque  
 maximam voluntatem benefaciendi  
 tribuit, & facultatem operandi de-  
 negat, vt homo eum boni operis au-  
 ctorem agnoscat. Vnde & Paulus Ro-  
 manis scribens, ait: *Sæpe proposui ve-* *Rom. 3.*  
*nire ad vos, & prohibitus sum vsque ad-* *13.*

Marc. 16.  
20. Phil.  
2. 18.

*huc. Dominus tandem nobis operantibus cooperatur, & perseverantiam in bono cœpto elargitur. Et Apostoli predicant ubique Domino cooperante. Et, operatur in nobis non solum velle, sed perficere. Et, elegit nos, ut eamus, & fructum afferamus, & fructus noster maneat, hoc est, perseveret, atque subsistat. Si his omnibus modis virtus est donum Dei, manifestum est, eam ut habeamus, à Domino esse magnis conatibus postulandam. Donum quippe tam grande, non petentibus, & non cupientibus denegabit, qui pulsare præcepit, & postulare mandavit. Nam non quærens, non petens, non pulsans, indignus profusus est, pretiosissimum donum accipere.*

Trifariam autem possumus hoc instrumento postulationis uti. Primò quidem, si omnes virtutes simul, aut generaliter, aut sigillatim eas enumerando, ab omniū virtutum auctore postulemus. Dum enim illum meditamur, Patrem esse nostrum, & vniuersalem omnium necessitatum prouisorem, vna eadem

demque precatone totum cor nostrum in conspectu eius effundimus, vniuersa desideria pandimus, & quicquid vitæ spirituali necessarium est, cum ingenti fiducia deposcimus.

Hic modus postulandi valde utilis est, & formam orationis, qua amator virtutis uti poterit, inferius agentes de præparatione ad Missæ sacrificium, in medium proferemus. Integram tamen vsurpare possumus eam orandi formulam, quam assumebat Dauid, dicens: *Bonitatem & disciplinam, & scientiam doceme, quia mandatis tuis credidi. Quamdiu viuitur in hoc mundo, ait Augu. proficientium est hæc cantatio. Et alio loco inquit: Videtis itaque fratres, quo orandi compendio, & qua paucitate verborum, perfectionem viuendi venerabilis Prophetæ quærebat. Breuissimo namque sermone conclusit, quot quot spiritualium habet multitudo virtutum: Si ergo ille Prophetarum præcipuus doceri se à Deo sanctiores vias tantopere precabatur, quid facere nos oportet, qui & tardi, sensus infirmitate.*

*Hoc eod.*

*li. p. 5. c. 6.*

*Psal. 118.*

*66.*

*Aug. ibid.*

*lib. 50. ho.*

*hom. 3.*

*Tom. 10.*

*tate.*



*tate torpemus, & noxia remissioris vi-  
 ta consuetudine deprauamur? Nos, in-  
 quam, magis orare debemus, dicentes:  
 Bonitatem, & disciplinam, & scientiã  
 doce nos Domine, quatenus in nobis bo-  
 nitas malitiam vincat, vitia ac volup-  
 tates disciplina castiget, & ignorantia  
 cecitatem scientia veritatis illuminet.  
 Sic ille. Hæc ergo verba affectibus  
 protelata, cunctas virtutes exposcūt.  
 Nam bonitas charitatem, spem & iu-  
 stitiam petit; quibus boni sumus, &  
 bonum speramus, & nos alijs benefi-  
 cos exhibemus. Disciplina fortitudi-  
 nem & temperantiam postulat, qui-  
 bus nos cohibemus atque comprimi-  
 mus. Sciētia, quæ ad intellectum per-  
 tinet, fidem, & prudentiam efflagi-  
 tat, quibus credenda & agenda co-  
 gnoscimus.*

*Secundò possumus virtutes specia-  
 liter & seorsum postulare; ita scilli-  
 cet, vt in hoc orationis tempore, aut  
 in hac die, humilitatem, & in sequē-  
 ti orationis tempore, aut in sequenti  
 die, obedientiam, & sic deinceps alias  
 virtutes petamus: vel vna hebdoma-  
 da,*

da, aut mense aut anno, vnã eandem-  
que virtutem instantissimè postule-  
mus. Hic autem petendi modus lon-  
gè vtiliore est, quoniam dum aliquid  
specialius petitur, & desiderium no-  
strum ad vnum constringitur, volun-  
tatis affectus vehementius inflamma-  
tur.

Hic verò ardor affectus, & deside-  
rij, est clamor validus, qui Dominum  
quasi dormientem (quia nos in tepo-  
re dormimus) exfufcitatur, & ad dandũ  
nobis quod petimus, surgere & pro-  
perare compellit. Sape etiam tam  
grata est apud illũ intentata, & humilis  
vnius virtutis postulatio, vt non so-  
lam illam, quam petiuimus, sed alias  
etiam, quas non petiuimus, largia-  
tur. Salomon enim petiuit à Domino  
cor docile, quo posset florentissimũ  
regnum gubernare, & audit: *Ecce feci* <sup>3. Reg. 3.</sup>  
*tibi secundum sermones tuos; sed & qua<sup>9</sup>*  
*non postulasti, dedi tibi.* Ita cum ali-  
quid gratum Domino ab ipso peti-  
mus, ille, qui merita supplicum ex-  
cedit, & vota, quod non petiuimus,  
& nobis necessarium est ad vitam spi-  
ritua-

ritua-

ritualem ducendam, largiri dignatur. Virtutes ergo in speciali petierunt

*Luc. 17. 5.* Apostoli, quando dixerunt: *Adauge*

*Luc. 11. 1.* *nobis fidem.* Et iterum: *Domine doce nos orare, sicut docuit Ioannes discipu-*

*Ephes. 3.* *los suos.* Et Paulus: *Flecto genua mea*

*14. 16. 17.* *ad Patrem Domini nostri Iesu Christi,*

*vt det vobis secundum diuitias gloria*

*sua, virtute corroborari per spiritum*

*eius in interiorem hominem. Chri-*

*stum habitare per fidem in cordibus ve-*

*stris: in charitate radicati & fundati.*

Quibus verbis constantiam, fidem &

charitatem Ephesijs postulauit. Huc-

que precandi modum putat Grego-

rius, adumbratum esse in illo facto

*Tob. 1. 5.*

*Greg. 1.*

*Genor. c. 9.*

Iob, qui filiis suis, consulens, offere-

bat holocausta pro singulis, holocaustum,

inquit, per singulos filios offerimus, cum

pro vnaquaque virtute Domino hostiam

nostrae precis immolamus: Ne sapientia

eleuet; ne intellectus dum subtiliter cur-

rit, aberret; ne consilium dum se multi-

plicat, confundat; ne fortitudo, dum fi-

duciam praebet, precipitet; ne scientia,

dum nouit, & non diligit, inflet; ne pie-

tas, dum se extra rectitudinem inclinat,

*intox-*

*intorqueat: ne timor, dum plus iusto trepidat, in desperationis foueam mergat. Cum ergo pro vnaquaq; virtute, vt pura esse debeat, preces Domino fundimus, quid aliud quam iuxta filiorum numerum, holocaustum per singulos exhibemus. Hactenus ille. Ac tandem sancta mater Ecclesia hanc orandi rationem præscribit, dū pro charitate obtinenda, pro castitate, pro patientia, & pro humilitate speciales orationes fundit. Ad eamque iuuare poterunt postulationes suprā singulis virtutibus affixæ, quæ non tam voce prolata, quàm affectu & desiderio fusæ, à Domino, quod petimus, impetrabunt.*

*Sed tertius modus postulandi est utilissimus, cum scilicet nos ad desiderium specialis virtutis, attenta cōsideratione alicuius incitamenti ex suprascriptis mouemus, & sic calefacti & accensi, actiones illius virtutis interius, voluntatis aut intellectus actibus ad praxim adducimus, & simul illas ardentissimè postulamus. Hunc saluberrimum petēdi modum docuit nos ille homo, qui filium*

*suum*

Marc. 9.  
24.

Iob 6.9.

suum à dæmone surdo & muto liberari cupiebat. Cùm enim audisset à Domino: *Si potes credere, omniaabilia sunt credenti*; sic cum lacrymis effatus est: *Credo, Domine, adiuua incredulitatem meam*. Credo, Domine, exercitatio fidei est: adiuua incredulitatem meam, postulatio fidei est. Docuit & sanctus Iob, quando dicebat: *Et qui cæpit, ipse me conterat, soluat manum suam, & succidat me*. Illa prima verba actionem virtutis sonat, quia virtutis est vitiorum contritionem approbare, sequentia verò orationem continet, quia oratio est, vitij perfectam contritionem exquirere. Sic itaque debemus pro modulo nostro ex gratia nobis data virtutis actiones exercere, & ad producendos actus interiores conari, simulq; quod nobis de illa virtute deest, à Domino, benignissimo donatore virtutum, exposcere. Praxis huius postulationis, ad tractationem de oratione pertinet, vbi, si Dominus vitam & opportunitatem scribendi dederit, eam sinus fusius explicaturi. Interim tamen, vt lector huius ad assequen-

sequendam virtutem instrumēti præ-  
stantiam & vtilitatē intelligat, illud  
in vna virtute exercere breuiter gra-  
tum habemus; & ex prima virtute,  
nempe ex fide, paradigma sumamus.  
Vult igitur aliquis ad augmentum fi-  
dei se disponere, & perfectionē eius  
à Domino obtinere? primum aliquod  
incitamentum ad fidem attentè con-  
sideret: Meditetur verbi gratia, quòd  
ea, quæ fides tradit, esse à Deo dicta  
Ecclesia docet. Ponderet, quæ con-  
gregatio sit Ecclesia, quam sancta mo-  
ribus, quàm illuminata doctoribus,  
quàm illustris martyribus, quàm in-  
structa miraculis, quam diues volu-  
minibus sacris, quàm præclara ex-  
certissima Pontificum, qui post Chri-  
stum & vice Christi eam gubernant,  
successione. Videat quam stultum es-  
set tali ac tantæ congregationi non  
assentiri, & quæ à Domino accepit,  
non vt Dei dicta suscipere. His mens  
in fidei possessione exultat, & eam  
perfectiùs obtinere desiderat. Tunc  
ore tacens, & intellectu cum Deo lo-  
quens, & ardentissima voluntatis de-  
sire-

fide-

fideria produçens, actus fidei, prout in tractatione huius virtutis supra ordinatè sunt positi, exerceat, & his, aut alijs verbis similibus aut dissimilibus, quæ tamen suum desiderium exprimant, ad Dominum dicat.

Domine Deus meus, lux purissima, veritas summa, sapientia infinita, ego puluis & cinis, quia tu me audire dignaris, loquar ad te, vt tua immensa beneficia collaudem, & noua nunc ad tuam gloriam meumque profectum accipiam. Quas grates tibi referam, ô ardentissime amator hominum, quia me ad fidem vocasti, & relictis innumerabilibus hominum millibus, me Ecclesiæ, ancillæ tuæ, & matris meæ optimæ filium & membrum esse fecisti? Potui ego inter hereticos, inter Iudeos, inter idolatras nasci; potui hac fulgentissima fidei luce carere: potui infidelium delirijs & falsitatibus obrui: potui te summam veritatem & æternam non agnoscere. Tu autem Domine, ob solam bonitatem tuam misertus es mei, & effundens super me a-

bun-

Abundantiam magnarum miserationum tuarum, à misera cæcitate liberaſti, & in Ecclesia tua natum, & à parentibus fidelibus genitum, & in delitijs veritatis educatum, lumine fidei circumdediſti. Certè, Domine, ego ad gratias agendas pro hoc incomprehenſibili beneficio ſum ineptiſſimus; quas tamen poſſum, ex totis præcordijs mei tibi refero, & omnes creaturas ad te laudandum & magnificandum inuito. Et nunc, ô Deus meus, & creator meus, hoc fidei dono de tua liberalitate ſuſcepto, volo maieltati tuæ obſequium præſtare, & meum intellectum ſubijcere, quia dona tua otioſa & inutilia manere non ſuſtines. Qui donum dediſti, in hac hora bonum eius uſum tibi placitum, & ex gratia manantem attribue. i. Meum igitur intellectum tibi, per Eccleſiam loquenti, & per ſanctas Scripturas, quas tradiderunt diuinitus inſpirati homines, & per Concilia, & traditiones, & Pontificum decreta loquenti ſubmitto: & te certiffimam veritatem,  
ab



ab omni falsitate prorsus alienam,  
 audire gesto: Loquere Domine, quia  
 audit seruus tuus; fac vt audiam, & vt  
 sanctæ Ecclesiæ, in qua sine dubio lo-  
 queris, sincerus & humilis discipulus  
 fiam. Tu verba vitæ æternæ habes, &  
 eloquia tua dulciora super mel &  
 fauum: vtinam ego illa attentè, sub-  
 missè, & libenter auscu'tem. Secun-  
 dò: Certissimè credo, Domine, te esse  
 vnum Deum: deorumque multitudi-  
 nem, vt ipsi rationi naturali contra-  
 riam, irrideo, subfanno, atque dete-  
 stor: Credo te esse Patrem ingenitum,  
 Filium vnigenitum, & Spiritum San-  
 ctum procedentem, vnam & indiui-  
 duam TRINITATEM, omnium  
 creatricem, Angelorum & hominum  
 seruatricem, & prædestinatorum ex  
 vtraque natura, tam Angelica, quàm  
 humana, glorificatricem. Credo,  
 Verbum ac Filium tuum, in vtero Vir-  
 ginis Spiritus Sãcti operatione fuisse  
 conceptum, verum Deum, & verum  
 hominem, Dominum nostrum IESUM  
 CHRISTVM. Credo certissi-  
 mè, eundem Filium tuum, ex Virgine

non solum ante foelicem partum, sed & in ipso, & post ipsum manente natum, sub Pontio Pilato passum pro salute nostra, verè mortuum, & in sepulchro conditum, & tertia die per resurrectionem in vitam immortalè eductum. Credo ascendisse in coelū, sedisseque ac sedere ad dexteram tuam; indeque ad generale iudicium venturum, omnibusque, pro meritis aut demeritis, præmiū æternū, aut poenam æternam daturum.

Credo item, in terris esse sanctam Catholicam & Apostolicam Ecclesiam, congregationem fidelium à te gubernatam, eamque per totum orbē diffusam, non esse aliam, nisi eam, quam seruus tuus Pontifex Romanus gubernat. Credo etiam Sanctorum, idest, fidelium, in orationibus, in bonis operibus, & in mutuo auxilio communicationem, carnis item resurrectionem, & quòd in carne mea, si fidelis tibi fuero, atque te (vt spero) faciente, in gratia decessero, oculis mentis videbo te, Deum Saluatorem meum; & oculis corporis videbo Fi-

P. lium

lium tuum, Redemptorem nostrum,  
 vt in perpetuas æternitates te fruar.  
 Hæc omnia, & reliquas res fidei, ò  
 Domine certissimè credo, & liben-  
 tissimè illis assentior, da obsecro, vt  
 quotidie firmiter credam, & humi-  
 lius illis assentiar, & in hac fide vsq;  
 ad mortem permaneam, & postremo  
 halitu in ista confessione perfungar.  
 Tertio: Aspicio te, ò Pater sanctissi-  
 me, fidei oculis in sacramentis mira-  
 biliter operantem; in Baptismo ani-  
 mas lauantes: in Confirmatione ro-  
 borantes: in poenitentia iustifican-  
 tes: in Eucharistia reficientem: in  
 extrema vnctione ad pugnam vn-  
 gentem: in ordine ministros initian-  
 tem; & in coniugio tuæ Ecclesiæ fi-  
 lios prouidentem, & in alijs cære-  
 monijs, & ritibus Ecclesiæ nostram  
 salutem operantem. Aperi, obsecro,  
 oculos fidei meæ, eosque magis ac  
 magis illumina, vt hæc signa à te in-  
 stituta non arido corde suscipiam;  
 sed te in illis reuerer, & effectus in-  
 uisibiles, quos operaris, admirer, &  
 reuerenter intuear. 4. Hanc autem fi-  
 dem.

dem coram te Pater misericordiarum, & coram omni cœlesti curia, ex toto corde confiteor; eam meæ fidei ac confessionis testem aduoco, & paratus sum ex benignitate tua, ore coram omnibus hominibus confiteri, & apud hostes fidei tuæ eam constanter, vt verissimam, & viam salutis vnicam, atque certissimam prædicare. Hanc tu, Domine, confessionem accepta, & me ad eam sæpiùs iterandam excita, & in mortis quoque periculo ad fidem confitendam roborata, & præparationem animi ad subeundam mortem pro veritate tribue, vt si persecutio defuerit, at robur & fortitudo ad eam sustinendam non desit. 5. Nec solum, hanc fidem cōfiteor, & cōfiteri volo, sed & pro cōditione mea res fidei tradere, cū oportuerit, & rudes ac tuæ veritatis ignaros, per me, & per alios, docere constituo. Concede, obsecro, Domine Deus, vt ita exequar, & qui à tua largitate lumen accepi, fratres meos sine lumine manere non patiar.

6. Hæreticos, ô Deus amantissime,

Q 2

vehe-

vehementer detestor, & eorum confortium, nisi ad quarendam ipsorum conuersionem, odio habeo, eosque vt pestes animæ, vt hostes tuos, & filios diaboli, auersari statuo. Semper, Domine, me ab illis elonga, eorum conatus euerte, & Ecclesiam tuam ab eorum peruersitate & cæcitate custodi. 7. Doctrinam illam, quam mater Ecclesia damnat, constanter damno; quam suspectam habet, respuo; & quam minus sinceram iudicat, nullo modo suscipio. Libera animam meam, ô magister verissime, ab omni falsitate, nunquam verba speciosa me lactent, quibus mendacium se contegit, sed veritas tua me sæper erudiat. Auge in me fidem, adiuua imbecillitatem meam, & vniuersas huius virtutis actiones sanctè, feruè, & studiosè me exercere concede, vt ex fide ad visionem transeam, & quod nunc certissimè & firmissimè credo, aliquando tandem aspiciam. Amen.

Hæc est oratio pro virtute fidei, & eodem modo formanda est aliarum  
vir-

virtutum exercitatio & postulatio, quam sigillatim ex qualibet virtute non facimus, tum quia satis prolixū esset, tum præcipuè, quia non ex verbis compositis, sed ex ardore mentis ignitas postulationes pendere nouimus. Si autem vna meditationis hora ad vnam virtutem exercendam & postulandam non suffecerit, præmissa in sequenti die alterius incitamenti meditatione, poterunt reliquæ actiones, quæ supersunt, exerceri internis affectibus, & à Domino postulari. Sed non facile explicari poterit, quanta sit huius postulationis utilitas ad virtutes obtinendas. solū dicimus id ex opere atq; experimento esse petendū, & cum hominē mirabiliter adiutū, & in virtutibus promotum agnouerit, tunc tandem huius instrumenti efficacitatem intelliget.

Qui verò ex aliqua coniectura didicerit, se in omnibus, aut in aliqua virtute proficere, Deum illius doni auctorem noscat, & pro eo immensas illi gratias agat. Dicat cum sancto

Q 3

Dau-

*Pf. 102. 2.* Dauide: *Benedic anima mea Domino, & noli obliuisci omnes retributiones eius.* Hæc enim dona illustrissima, nulla vnquam debent obliuione deleri, nulla ingratitude significatione extenuari. Quia verè dignus est, beneficium, & tantum beneficium, amittere, qui ingratus existens oculos & affectum in cœlum non tollit, & Deum virtutis donatorem esse non clamat, & illum tanquam in se beneficentissimum extollere & prædicare non curat. Hoc etiam desiderium agendi Deo gratias, eundem Prophetam sollicitabat, quando alio loco dicebat: *Domine in voluntate tua prestitisti decori meo virtutem.*

*Basil. ad eundem Psalm.*

Hanc enim esse gratiarum actionem, Basilius docet, sic scribens: *Vt decor animæ accedat, & efficaciter perfectiua eorum, quæ necessaria sunt, potentia, diuina est opus gratia. Ut igitur supra dixit: Quoniam vita in voluntate eius: sic nunc Deum in reddendis gratijs exaltat dicēs: In voluntate tua prestitisti decori meo virtutē. Pulcher quidem eram secundum naturam, debilis autem.*

autem factus ob peccatum, per insidias serpentis admissum, perij. Pulchritudini ergo mee, quam ex te in prima creatione accepi, addidisti virtutem eorum quæ me addecent, effectiuam. Pulchra namque est omnis anima, quæ in symmetria propriarum virtutum conspicitur. Sic ille.

Gratiæ itaque Deo propter virtutem habitam agenda sunt, ne eam amittere permittamur. *Omni enim habenti dabitur, & abundabit: ab eo autem qui non habet, & quod habet auferetur ab eo.* *Ingratus est, qui non habet, & à quo auferetur, quod habet.* Nam si interrogas: Quomodo non habet, si habet? Respondebit tibi Augustinus: *Non habens habet, qui nescit, unde habet. Tollit enim Deus rem suam, & remanet illi iniquitas sua.* *Ista gratiarum actione & virtutem iam adeptam seruamus, & nouis augmentis à Domino acceptis promouemus.* Qui ergo virtutes conatur agnoscere, & earum, actionis gratia, indagare naturas; qui curat eas in magno pretio habere; & vt res pretiosas à Domino

Luc. 19.

26.

Aug ser.  
3. de san-  
ctis. Tom.  
10.

Domini



Domino postulare; qui non obliuiscitur pro quocunque profectu gratias agere, is ad virtutes adipiscendas, ex parte intellectus instrumenta parauit, quas si sequentia adijciat, à Domino certè recipiet.

FINIS.

*Liber Lomus Probationis Sc. Juv. Paderb.*

